

Աջակցություն սոցիալապես խոցելի անհատների կամ ընտանիքների՝ գյուղատնտեսական փոքր միկրո-ձեռնարկատիրական գործունեության վերսկսմանը կամ զարգացմանը

Դրամաշնորհի հայտամրցույթ

ՄԱԿ-ի Չարգացման ծրագիրը հրավիրում է Հայաստանի Սյունիքի և Գեղարքունիքի մարզերում գործող տեղական հասարակական կազմակերպություններին (ՀԿ) մասնակցելու հայտերի մրցույթին՝ որի նպատակն է աջակցել սոցիալապես խոցելի անհատների կամ ընտանիքների կողմից գյուղատնտեսական փոքր կամ միկրո-ձեռնարկատիրական գործունեության / ձեռներեցության վերսկսմանը կամ զարգացմանը Սյունիքի և Գեղարքունիքի մարզերում:

Դրամաշնորհի հայտամրցույթը հայտարարվում է ՄԱԿ-ի Չարգացման ծրագրի ««Մեր կյանքը, մեր ապագան. Աջակցություն Հայաստանում հակամարտությունից տուժած համայնքների ինքնավերականգնմանը և դիմակայունության բարձրացմանը» ծրագրի շրջանակներում, որը ֆինանսավորվում է Եվրոպական միության մարդասիրական աջակցության կողմից (այսուհետ՝ Ծրագիր):

Համառոտ ամփոփում

Նախագիծը մտադիր է մրցակցային հիմունքներով տեղական հասարակական կազմակերպություններին (ՀԿ) տրամադրել մինչև **120.000 (հարյուր քսան հազար) ԱՄՆ դոլար գումարի** դրամաշնորհ Սյունիքի մարզում (մասնավորապես Գորիսի և Կապանի տարածաշրջաններում), և մինչև **44.000 (քառասունչորս հազար) ԱՄՆ դոլար գումարի** դրամաշնորհ Գեղարքունիքի մարզում (մասնավորապես Վարդենիսի տարածաշրջանում) ներքոհիշյալ գործողություններն իրականացնելու համար՝ հետապնդելով հետևյալ նպատակները՝

- ✓ աջակցել սոցիալապես խոցելի, և/կամ ներքին տեղահանված անհատների կամ ընտանիքների կողմից գյուղատնտեսական միկրո-ձեռնարկատիրական կամ գյուղատնտեսական անհատական/ընտանեկան գործունեության/ձեռներեցության վերսկսմանը կամ զարգացմանը՝ յուրաքանչյուրին տրամադրելով մինչև 1,500 ԱՄՆ դոլարին համարժեք գյուղատնտեսական գույք, օժանդակություն կամ դրամաշնորհ (թիրախավորելով մարզերի սահմանամերձ և հեռավոր համայնքները),
- ✓ նպաստել սոցիալապես խոցելի, և/կամ ներքին տեղահանված անհատների (ձեռներեցների) կամ ընտանիքների կողմից գյուղատնտեսական փոքր ձեռնարկատիրական գործունեության զարգացման՝ յուրաքանչյուրին ձեռնարկատիրությանը տրամադրելով մինչև 4,000 ԱՄՆ դոլարին համապատասխան դրամաշնորհ կամ գյուղատնտեսական գույք:

Նախատեսվում է, որ այս գործընթացը պետք է իրականացվի Սյունիքի մարզում (մասնավորապես Գորիսի և Կապանի տարածաշրջաններում) և Գեղարքունիքի մարզում (մասնավորապես Վարդենիսի տարածաշրջանում) գործող կամ նշյալ տարածքներում ներկայացուցչություն ունեցող տեղական հասարակական կազմակերպությունների միջոցով՝ անհրաժեշտության դեպքում ներգրավվելով տեղական համայնքների պաշտոնական և ոչ պաշտոնական ներկայացուցիչներին, և հևարավորության դեպքում կիրառելով նորարարական մոտեցումներ: Դրամաշնորհների տրամադրման գործընթացը պետք է կենտրոնանա ներառականության վրա՝ մասնավորապես ընդգրկելով կանանց և հաշմանդամություն ունեցող անձանց, ի լրումն ԼԴ հակամարտության հետևանքով տեղահանված, սահմանամերձ, հեռավոր և գյուղական բնակավայրերում ապրող և ցածր եկամուտ ունեցող ու սոցիալապես խոցելի մարդկանց:

Ծրագրի մասին

Ի լրումն վերոհիշյալ հիմնական պատկերների՝ դրամաշնորհի միջոցով ծրագիրը նպատակ ունի նաև նպաստել Սյունիքի ու Գեղարքունիքի մարզերի տեղական ՀԿ-ների երկարաժամկետ կարողությունների զարգացմանը:

Ծրագրի նախնական առավելագույն տևողությունն է՝ Մարտի 1, 2022- հոկտեմբերի 1, 2022.

Ընտրության գործընթացը կանցկացվի մեկ փուլով՝

1. Ծրագրային առաջարկների քննարկման և հաստատման թափանցիկությունն ապահովելու համար ՄԱԶԾ-ի, գյուղատնտեսական ոլորտի մասնագետների / փորձագետների և տեղական, մարզային ներկայացուցիչների կողմից կազմավորված դրամաշնորհային ծրագրերի գնահատման՝ Դրամաշնորհի գնահատման հանձնաժողովի (ԴԳՀ) ձևավորում:
2. ԴԳՀ-ն ստացված ծրագրային առաջարկների քննարկման, ընտրության և որոշումների կայացման համար պատասխանատու լիազոր մարմինն է:
3. Ծրագրի առաջարկի ընտրությունը և հաստատումը որպես դրամաշնորհի հաղթող կիրականացվի մեկ փուլով՝ ԴԳՀ-ի նիստի ընթացքում:
4. Դրամաշնորհի հաղթող կարող են ճանաչվել՝ մեկ հայտատու Գեղարքունիքի մարզում ծրագրերի իրականացման համար, և երկու կամ երեք հայտատու՝ Սյունիքի մարզում իրականացման համար:
5. Դրամաշնորհների տրամադրման վերաբերյալ վերջնական որոշումը կայացնում է ՄԱԶԾ ղեկավարությունը՝ հիմնվելով ԴԳՀ-ի արդյունքների վրա:

Հայտերը կարող են ներկայացնել հայտատուներ, որոնք բավարարում են հետևյալ չափանիշներին՝

- Դրամաշնորհի հայտատուն պետք է լինի Սյունիքի մարզում (նախապատվությունը կտրվի Գորիսի և/կամ Կապանի տարածաշրջաններում) կամ Գեղարքունիքի մարզում (նախապատվությունը կտրվի Վարդենիսի տարածաշրջանում) գործող կամ նշյալ տարածքներում նշանակալի ներկայացուցչություն ունեցող տեղական հասարակական կազմակերպություն:
- Հայտատուն կարող է դիմել կամ Սյունիքի, կամ Վարդենիսի մարզում իրականացվելիք աշխատանքների դրամաշնորհի համար: Միևնույն հայտատուն չի կարող դիմել երկու մարզի դրամաշնորհի համար: Հիմնական հայտատուի հետ միասին կարող է լինել նաև գործընկեր ՀԿ, ով պատասխանատու կլինի կոնկրետ գործողության համար, ինչի մասին Հայտատուն պետք է տեղեկացնի իր դիմումում:
- Դրամաշնորհի հայտատուն պետք է ունենա առնվազն 1 տարվա ապացուցված աշխատանքային փորձ ձեռնարկատիրական (ցանկալի է՝ գյուղատնտեսական) փոքր դրամաշնորհների տրամադրման ու կառավարման ոլորտում՝ Սյունիքի կամ Գեղարքունիքի մարզում:
- Հայտատուն պետք է ունենա 1 տարվա աշխատանքային փորձ բռնի տեղահանված ու սոցիալապես խոցելի խմբերի հետ տարվող աշխատանքների ոլորտում՝ Սյունիքի մարզում և/կամ Գեղարքունիքի մարզում:
- Հայտատուն պետք է ունենա առնվազն 3 տարվա ապացուցված աշխատանքային փորձ ծրագրերի իրականացման, դոնորների կողմից տրամադրված դրամաշնորհների և դրանց բյուջեների կառավարման, մոնիտորինգի և հաշվետվությունների, ինչպես նաև հասարակության հետ աշխատանքների ոլորտում՝ Սյունիքի և/կամ Գեղարքունիքի մարզում:
- Հայտատուի ծրագրի հայտում ցանկալի է համապատասխան տարածաշրջանների սահմանամերձ բնակավայրերի շահառուների հետ տարվող աշխատանքների առկայության վերաբերյալ տեղեկատվության առկայություն:
- Հայտատուի ծրագրային հայտում պետք է լինեն գործողությունն, որոնք նախատեսում են շահառուներին գյուղատնտեսական կամ ձեռներեցության ոլորտին առնչվող որոշակի խորհրդատվության տրամադրում:
- Ծրագրային հայտը պետք է նկարագրի, ինչպես է թիրախավորում կանանց/աղջիկներին, և խոցելի խմբերին:
- Ծրագրի հայտը պետք է պատրաստված լինի ձևաչափին համապատասխան, իսկ ներկայացված տեղեկատվությունը՝ ամբողջական, ճշգրիտ և պարզ:

Հետևյալ փաստաթղթերը պետք է ներկայացվեն Դրամաշնորհի կոմիտե մինչև վերջնաժամկետը՝

1. Ձևաչափով լրացված ծրագրային հայտ (Հավելված 1)՝ հայերեն կամ անգլերեն.
2. Հայտատու կազմակերպության գրանցման վկայականի պատճեն.
3. Հայտատու կազմակերպության կանոնադրության պատճեն.
4. Բանկի կողմից դրամային հաշվի վերաբերյալ փաստաթուղթ, որում նշվում են բոլոր անհրաժեշտ տվյալները, ինչպիսիք են կազմակերպության անվանումը, հաշիվը, BIC-ը, արտարժույթը և այլն՝ բանկի կողմից ստորագրված և դրոշմված.
5. Համապատասխան իրավասու մարմինների կողմից տրված փաստաթղթերի բնօրինակները / պատճենները, որոնք հաստատում են, որ կազմակերպությունն ընթացիկ պարտքեր չունի Հայաստանի սոցիալական ֆոնդում և հարկային մարմիններում:

6. Ծրագրի իրականացման մեջ ներգրավված տնօրենի և այլ հիմնական անձնակազմի ինքնակենսագրություններ.
7. 2 երաշխավորագիր՝ նախկին գործընկերներից կամ դոնորներից:
8. Նախկինում իրականացված ծրագրերի մասին համառոտ տեղեկատվություն՝ ներառելով ծրագրի դոնորին, նպատակները, բյուջեն, ամսաթվերը, հիմնական արդյունքները:
9. Այլ տեղեկատվություն և կից փաստաթղթեր՝ ըստ հայեցողության:

Հայտատուները իրենց առաջարկները պետք է ներկայացնեն մեկ սեղմված (zipped) թղթապանակի (folder) տեսքով, ուղարկելով undp.recovery.project@gmail.com էլեկտրոնային փոստին՝ «01-2022-Grant-UNDP-Self Recovery-Grants Proposal» անվամբ թեմայով՝ մինչև 2022 թվականի հունվարի 23-ը, ժամը 23:59-ը:

Ընթացիկ հայտամրցույթի վերաբերյալ բոլոր հարցերը / հարցումները պետք է ուղարկվեն՝ undp.recovery.project@gmail.com

Հարցման ցանկացած այլ ձև չի քննարկվի:

Դրամաշնորհի թերի կամ ուշ ներկայացված փաստաթղթերը չեն քննարկվի: ՄԱԶԾ-ն իրեն իրավունք է վերապահում չբացատրել ՀԿ-ն չընտրելու պատճառները

Հավելվածներ՝
Հայտադիմումի ձևաթուղթ
Դրամաշնորհի հայտատուի ուղեցույց